

Allanguutissat siunnersuut

Uunga

Uunga siunnersuut: Nukissiornermi ikummatissat avatangiisinut akitsuutaat pillugu Inatsisartut inatsisaat

Pingajussaaneerpeqarnerani Naalakkersuisunit saqqummiussaq.

§ 1-imut

1. § 1, *imm.* 5, peerneqarpoq.

2. § 5 peerneqarpoq.

3. § 7, *imm.* 1, imatut oqaasertaqalerneqassaaq:

”*Imm.* 1. Toqqortuisut nalunaarsorneqarsimasut nioqqutissat akitsuuteqartut kiassarnermi, innaallagissiornermi ikummatitut motoorinulluunniit orsussat atorneqarsimasut annaasanik assigisaannillu tapeqartillugit piffissamut akitsuuteqarfiusumut, takuuk § 2, *imm.* 1, imaluunniit akitsuuteqarfiusumut eqqussaasimasut, takuuk § 2, *imm.* 2, naatsorsuusiussavaat. Naatsorsuinerit akileraaruseriffiup aalajangersagaanik malittarisassat malillugit immikkoortitigaallutik nalunaarsugaassapput.”

4. § 8 imatut oqaasertalerneqassaaq:

” Akitsuusigassat qanoq annertutiginerannik naatsorsuinermi § 7 malillugu makku ilanngaa-taassapput

1) nioqqutissat akitsuuteqarfiusup avataanut anninneqartut,

2) nioqqutissat suliffeqarfimmi, suliffeqarfimmulluunniit angallanneranni ikuallattoornikkut, ernartoornikkut, assigisaanilluunniit pisoqarneragut annaasaqaatit.”

5. § 9 peerneqarpoq.

6. § 11, *imm.* 1, imatut oqaasertalerneqassaaq:

”*Imm.* 1. Toqqortuisut § 3, *imm.* 1 malillugu nalunaarsugaasut, nioqqutissat, pissarsiarineqartut, sananeqartut eqqunneqartulluunniit pillugit, aammalu tunineqartut aammalu § 8 naapertorlugu atorneqartut pillugit naatsorsuusiussapput.”

7. § 14, *imm.* 2 aamma 3, peerneqarput.

Siunnersuummut nassuiaatit

Oqaaseqaatit nalinginnaasut

2011-mut aningaasanut inatsisissap oqalliserineqarneranut ilaasumik naalakkersuisooqatigiit aalajangerput, suliffeqarfimmut aatsitassat pillugit ingerlatallu tamatumunnga pingaarutillit pillugit Inatsisartut inatsaat naapertorlugu akuersissummik nalunaarfigineqarsimasunut akitsuutit annikillisaasut eqqunneqassanngitsut siunnersuutiginiarlugu.

Aammalu naalackersuisooqatigiit aalajangerput umiarsuarnut timmisartunullu nunanut allanut angalasunut motorinut orsussamik allanillu tunisinerni akitsuuteqartitsinnginneq akuersaarneqassanngitsoq.

Ataatsimut isigalugu nalilerneqarpoq allannguutit siunnersuutigineqartut kingunerisaannik isertitat amerlissutissaat 6 mio. koruunit missaaniissasut.

Maannakkut misissueqqissaarnernik aatsitassalerinernilu ingerlatat aatsitassarsiulivinnermik kinguneqarsinnaanerat naapertorlugu maannakkulluunniit ingerlanneqartut annertusitinneqasagaluarpata annertunerusumik isertitassanik naatsorsuutigisat qaffanneqartariaqalissapput, maannali ingerlataqarnerup annertussuseqarnera nalorninartoqarmat, uani taamatut annertusi-soqarsinnaanera naatsorsuutigisani ilaatinneqanngilaq.

Tamanna malillugu nukissiornermi ikummatissat avatangiisinut akitsuutaat pillugu Inatsisartut inatsisaatigut isertitassat 24 mio. koruuniussasut naatsorsuutigineqarpoq. Tamatumalu saniatigut illoqarfinni erngup nukinganik nukissiorfeqartuni maanna innaallagissamut, imermut kiassarnermullu akeqartitsinerup ilusiligaanerata kingunerisaanik Nukisssiorfiit innaallagissamik kiassarneqarnermillu kiffartuutaminnit isertitaqarnerulissapput. Taamatut isertitaqarnerunissaq 2 mio. koruunit missaannik annertussuseqartussatut ilimagineqarpoq, taakkualu Nukisssiorfiit aningaasanut inatsimmi tapiissutisiassaannit ilanngaatigineqassallutik.

Aalajangersakkanut ataasiakkaanut oqaaseqaatit

Nr. 1-imut

Siunnersuut suliffeqarfinnut aatsitassat pillugit ingerlatallu tamatumunnga pingaarutillit pillugit Inatsisartut inatsaat naapertorlugu akuersissummik nalunaarfigineqarsimasunut akitsuutit annikillisaasut eqqunneqassanngitsut aalajangernerup kingunerisaraa.

Nr. 2-mut

Siunnersuut umiarsuarnut timmisartunullu nunanut allanut angalasunut il.il. motorit orsusaanik il.il. tunisinermi akitsuuteqartitsinnginnissamik akuersaannginnissamik aalajangernerup kingunerisaraa.

Nr. 3-mut

Siunnersuut umiarsuarnut timmisartunullu nunanut allanut angalasunut il.il. motorit orsusaanik il.il. tunisinermi akitsuuteqartitsinnginnissamik akuersaannginnissamik aalajangernerup kingunerisaraa.

Nr. 4-mut

Siunnersuut umiarsuarnut timmisartunullu nunanut allanut angalasunut il.il. motorit orsusaanik il.il. tunisinermi akitsuuteqartitsinnginnissamik akuersaannginnissamik aalajangernerup kingunerisaraa.

Nr. 5-imut

Siunnersuut umiarsuarnut timmisartunullu nunanut allanut angalasunut il.il. motorit orsus-
saanik il.il. tunisinermi akitsuuteqartitsinnginnissamik akuersaannginnissamik aalajangerne-
rup kingunerisaraa.

Nr. 6-imut

Siunnersuut umiarsuarnut timmisartunullu nunanut allanut angalasunut il.il. motorit orsus-
saanik il.il. tunisinermi akitsuuteqartitsinnginnissamik akuersaannginnissamik aalajangerne-
rup kingunerisaraa.

Nr. 7-imut

Siunnersuut umiarsuarnut timmisartunullu nunanut allanut angalasunut il.il. motorit orsus-
saanik il.il. tunisinermi akitsuuteqartitsinnginnissamik akuersaannginnissamik aalajangerne-
rup kingunerisaraa.